



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri De Dusburg, Ordinis Teutonici Sacerdotis, Chronicon Prussiae

Petrus <de Dusburg>

Francofurti ; Lipsiae ; Regiom. Pruss., 1679

Cap. CLXVII. De Continuo insultu hostium & variis tribulationibus
Christianorum Pruschiae infra secundam apostasiam.

urn:nbn:de:hbz:466:1-11850

CAP. CLXVI.

*De**Subjectione Pogesanorum, & strage
magna eorundem, & de pace reddita
Christianis.*

Perturbati ergò Magister & Fratres de hujusmodi lamentabili eventu, ad ulciscendam injuriam interfectorum, congregaverunt omnem potentiam exercitus sui, & intrantes terram Pogesaniæ, à fine usque ad finem rapinâ & incendio vastantes interfecerunt viros, & mulieres, & parvulos captos deduxerunt; Insuper & Castrum Helsberg, (quod) quidem tunc fuit in manu Pogesanorum, expugnaverunt, captis omnibus & occisis & extunc terra Pruschia quievit in pace.

CAP. CLXVII.

*De**Continuo insultu hostium & variis tribulationibus Christianorum Pruschia infra
secundam apostasiam.*

Quot incommoda, quot pericula, quotque angustias fratres & alii Christi fideles in hac persecutione, quæ ultra XV. annos duravit ab hostibus in singulis civitatibus, castris & aliis locis perpeffi sunt, in sola Dei cognitione ita subsistunt, quod nullus hominum nunc viventium posset ea plenius explicare. Vix fuit aliqua hora, in qua possent panem in saturitate comedere, nisi una vel duabus vel pluribus Vicibus surgerent ad pugnam
ab

*Hanno de Sangerhausen VII. Mag. Gen. Ord. Teuton.
Conradus à Tierberg Senior IX. Mag. Prov. Prussiae.*

ab hostibus propulsati. Et ut verum fatear in eis fuit impletum, quod de Judæis volentibus civitatem sanctam Jerusalem reedificare, gentibus ex adverso renitentibus, dicitur, quod media pars eorum faciebat opus, & altera tenebat lanceas ab ascensu auroræ, donec egrederentur astra, unâ manu faciebant opus, & altera tenebant gladium. Sed hi DEI ministri, ut docet Apostolus, in his omnibus tribulationibus, necessitatibus, angustiis, plagis, carceribus, seditionibus, laboribus, vigiliis & Jejniis, in multa patientia quasi morientes vixerunt; quasi tristes, semper autem gaudentes fuerunt. Obsecro ergo eos, qui hunc librum lecturi sunt, ne abhorrescant propter diversos casus; sed repentent ea, quæ acciderunt, non ad interitum sed ad correctionem generis esse nostri. Et enim multo tempore non sinere peccatoribus ex sententia agere, sed statim ultiones adhibere magni beneficii est indicium. Non enim sicut in aliis nationibus Dominus patienter expectat, ut eos, cum dies Judicii advenit, in plenitudine peccatorum puniat: Ita ut in nobis statuit, ut peccatis nostris in finem devolutis ita deinde vindicet, propter quod nunquam à nobis misericordiam suam amovet, corripiens verò in adversis populum suum non derelinquit.

CAP. CLXVIII.

De

Secunda Castri Bartenstein destructione.

Sudovvita audientes, quod Barchi, Warmienses & alii Prutheni se fidei & fratribus iterum subjecissent, indignati sunt, & convenientes cum magno Exercitu, improvise obsederunt

Kk 2

Ca-